

1,000 Pelajar UMS Terima Bantuan Pendidikan Yayasan Sabah

Terakhir dikemaskini: Jumaat, 25 Januari 2019 11:40 | [Cetak](#) | Jumlah paparan: 429

Kongsi 0

Syorkan 0

Kongsi

Tweet

Share



JUMAAT, 25 JANUARI - Seramai 1,000 pelajar Universiti Malaysia Sabah (UMS) menerima bantuan pendidikan one-off daripada Yayasan Sabah, kelmarin.

Kesemua penerima yang terdiri daripada pelajar golongan B40, masing-masing menerima RM1,000 tunai pada majlis itu yang berlangsung di Kompleks Dewan Kuliah Pusat ke-2 UMS.

Turut menerima bantuan tersebut adalah seramai 300 pelajar sekolah menengah dari sekitar negeri Sabah dengan nilai bantuan sebanyak RM200.

Keseluruhan bantuan yang bernilai RM1.06 juta disampaikan Ketua Menteri Sabah merangkap Pro Canselor UMS, Datuk Seri Panglima Haji Mohd Shafie Haji Apdal.

Hadir sama, Menteri Pelajaran dan Inovasi Sabah, Datuk Dr Yusof Yacob; Pengerusi Lembaga Pengarah UMS, Datuk K Y Mustafa; Pengarah Yayasan Sabah, Datuk Jamalul Kiram Mohd Zakaria; dan Naib Canselor UMS, Prof. Datuk Dr. D Kamarudin D Mudin.